

一升金壇縣官田糧每石減耗米二斗民田糧每畝  
勸出米一升二合太平府當塗等三縣官田糧每石  
減耗二斗五升民田每畝勸出米一升寧國府宣城  
等六縣官田糧每石減耗三斗民田每畝勸出米一  
升廣德州并建平縣官田糧每石減耗米二斗民田  
每畝勸出米一升五合告示一出人皆稱便俱各照  
數輸納無有違者惟靈谷等事魏國公求康候佃戶  
告分減臣行令該縣俱與減免一半然此事臣當三  
復等畫然後奉行委實有便於民無損於官可以長  
久如蒙乞

勅該部會官計議合無行令該府州縣永為遵守毋輕更張如  
此庶幾貧民日漸蘇息官府所免負累

前件准擬

弘治四年十月初十日戶部等衙門尚書等官葉 等  
題為公務事照得弘治五年漕運糧儲合行事且例議本  
年會議施行見該總督漕運巡撫鳳陽等處都察院右副  
都御史張 漕運總兵官都督僉事都勝等赴京及該巡  
撫宣府等處都察院右僉都御史楊 等各將地方應議  
事件開奏抄出到部會同各部都察院太子太保吏部尚  
書王 等逐一議擬開立前件具題奉

聖旨揚州運司拖欠鹽課既減免客商守支該年引鹽戶部  
還當職慶淳化縣准添設只名高淳縣夷陵等州當陽縣  
添官員還着王進擇緊要處再奏來三員取回織造內臣  
工部通查來着其餘都准議欽此

計開

一該納糧米務要照依原允樣米乾圓潔淨每石免  
運加耗七升改充加耗四升遞洋船舊支運一丈  
一平上倉若官軍人等將原充好米沿途糶賣却  
糶陳腐混碎及換和沙土糠粃麤谷等項抵數者  
收糧官員辨驗得出就呈官糧內外總督官將原  
運官旗先送刑部指揮等官叅

奏送問該部查照侵盜邊糧事例問擬仍將各犯押同本部  
送倉易換好米上納  
前件照舊

解戶侵盜官銀五百兩以上追贖完日發口外為民  
大理寺

弘治七年十月初二日題為陳言革弊事該刑部江西清  
吏司聞得犯人文琦招徠湖廣長沙府湘鄉縣人犯該起  
運官物解物人若有侵欺者計贍以監守自盜論不分首  
從併贍論罪四十貫律斬李志林的央給引照回查得見  
行事例直隸蘇松常鎮等府糧長大戶有犯侵欺錢糧者  
問罪監追完日糧至五百石以上銀至五百兩以上者發  
口外為民糧至一千石以上銀至一千兩以上者發邊衛  
充軍今文琦與已死人李仁侵盜官銀依律併贍計五  
百兩正與蘇松常鎮大戶侵欺情犯相同况湖廣與直隸  
俱為南方解戶與大戶同一差役所據文琦應合比照前  
例監追完日發口外為民今後不分南北但各處解戶有